



Doris J. Jensen
Siumut
Inatsisartunut ilaasortamut

21-11-2022
Suliap normua. 2022 - 23366
Allakkat. 21750479

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

**Kommunini sagsbehandlerit Isumaginninnermut Aqutsisoqarfik kiisalu socialrádgiverit
ilinniarsimasut pillugit §37-imut apeqquaqammut nr. 205-2022 akissuteqaat**

Asasara Doris J. Jensen
Kære Doris J. Jensen.

Apeqqutinut qujanaq. Apeqqutigineqartut tullinguuttuni ataasiakkaarlugit uterteqqinneqarput akineqarlutillu.

**1. Kommunini tamani inunnik isumaginnittoqarfinni sullissisutut atorfiit (normering) ukioq manna
qanoq amerlatigippat?**

Naalakkersuisut uani Isumaginninnermut Aqutsisoqarfiup kommunit ataasiakkaani isumaginninnikkut
sagsbehandlerii qassit atorfeqarnerinik paasissutissinneqarneq ajorput imaluunniit ilisimangilaat.

2. Taakkunanga qanoq amerlatigisut ullumikkut inuttaqangillat?

Apeqquq 1-imut akissut innersuussutigineqarpoq.

**3. Atorfinni piusuniit qanoq amerlatigisut inunnik isumaginninnermik siunnersortitut
ilinniagaqarsimasuuppat?**

Apeqquq 1-imut akissut innersuussutigineqarpoq.

4. Ullumikkut socialstyrelsemi atorfitt (normering) qanoq amerlatigippat?

Tamanna aningaasanut inatsit 2022-imi allassimavoq. Ulloq manna Isumaginninnermut Aqutsisoqarfimmi
aalajangersimasumik atorfeqartut katillugit 88-iupput

**5. Taakkunanga qanoq amerlatigisut inunnik isumaginninnermik siunnersortitut
ilinniagaqarsimasuuppat?**



Aningaasanut inatsisip suliassanut allaaserineqartunut Isumaginninnermut Aqutsisoqarfiani assigiinngitsunik piginnaasallit amerlasuut atorfeqarput. Taakkunani 18-it aalajangersimasumik atorfeqartut isumaginninnermi siunnersortitut ilinniarsimasuullutik.

Tamatuma saniatigut Isumaginninnermut Aqutsisoqarfimmi ukununga piginnaasallit atorfeqarput: Qaffasissumik ilinniagallit, perorsaasut, peqqissaasut, ilinniartitsisut, timimik sungiusaasut, pillorissaasut, tarnip pissusaanik ilisimasallit, tarnikkut napparsimasunik katsorsaasartut, oqalutsit, ernisussioortut kiisalu allaffimmiutut ilinniarsimasut aamma aningaasaqarnerup tungaatigut piginnaasallit.

6. Ukiuni kingullerni tallimani socialstyrelsemi atorfiit amerlassusaat qanoq ineriartorsimappat?

Isumaginninnermut Aqutsisoqarfimmi konto pingaarneq 30.01.02 naatsorsuutigisamik sulisut atuinerisa ineriartornera ukiuni kingullerni tallimani ataani allattukkami takuneqarsinnaavoq

Udviklingen i forventet personaleforbrug på Socialstyrelsens hovedkonto 30.01.02 over de sidste fem år kan læses i skemaet nedenfor.

Sulisunut atuinissamat naatsorsuutigisat	2018	2019	2020	2021	2022
Pisortat	5	5	7	7	8
Allat	44	44	52	51	53
Sulisut atuineri katillugit	49	49	59	58	61

Allanngortitsinissamik isumaqatigiissuteqartoqareertoq PAARISA 2019-imi Isumaginninnermut Aqutsisoqarfimmut sulisut 22-it nuupput.

Allanngortitsinermik isumaqatigiittoqareertoq Ilinniartitaanermut Aqutsisoqarfik 2022-mi Suli atualinngitsunut atuarfeqarfianit sulisut 4-t Isumaginninnermut Aqutsisoqarfimmut tunniunneqarput.

Suliassaqarfimmi allanngortitsinerup kingorna. taamaasilluni ukiuni tallimani kingullerni Isumaginninnermut Aqutsisoqarfimmi aalajangersimasunik atorfeqartut amerleriarsimapput.

Konto pingaarneq 30.01.02 saniatigut aalajangersimasunik konto pingaarnermi 30.01.03, 30.10.45.aamma 30.10.48-imi sulisoqarpoq kontonik pingaarnernik ataasiakkaanik immikkut ittunik sulisussanik.

Suliassat peqqussutigineqartut, ilaatigut TUSAANNGA, angalasartoqatigiit meeqqanik katsorsaasartut aamma Task Force pissutaallutik atorfinnik inuttaqartitsinissap annertusinerani ilaavoq. Tamatuma saniatigut ulloq unnuarlu paaqqinnittarfinni namminersorlutik oqartussanit pigineqartuni 7-ini naatsorsuuserinerup il. il. qitiusumit aqunneqalernissaa Isumaginninnermut Aqutsisoqarfiup aalajangersimavaa. Isumaginninnermut Aqutsisoqarfimmi atorfillit amerlassusiisa pissusissamisut amerlinerat suliassat iliuusissallu taakku sunniuteqarfigisimavaat.

Kalaallit Nunaanni meeqqanut inuusuttunullu pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq-mi suliniutit isumagisinnaajumallugit Isumaginninnermut Aqutsisoqarfimmi arlalinnik piffissamik killiligaasumik atorfeqarmat oqaatigineqassaaq. 31. decembari 2023-mi suliniutit naammassineqarpata, atorfiit taakku kingusinnerpaamik atorunnaarsinneqassapput.



Inussiarnersumik inuulluaqquusillunga
Med venlig hilsen

A handwritten signature in black ink, which appears to read 'Mimi Karlsen'.

Mimi Karlsen